

# 傷風約言目次

傷風名義	一
六經辨解	四
傷風大意	六
淺證治例	一
深證治例	四
閉證治例	五
脫證治例	八
脈論	一〇

# 傷風約言

後藤省伸介 著

## 傷風名義

風本氣也。靜則氣動。則風亦猶靜則水動。則波。此氣分之則一陰一陽也。而風之爲陰爲陽。亦彰彰然。皆可以不言而喻焉。豈非與天地日月相終始者哉。其使人爲病也。上下內外。無所不至。故素問云。風爲百病之始也。爾後醫人崇信奉承。以冠於方書。辨證之首。而坊間嬰兒。不知其語之欠瑩。亦能贈炙於口矣。畢竟風者。大氣激發之假名。而四時外傷之前驅耳。今推其風之爲風者。自是風中有寒。而寒即風之帥也。審辨深義。以微予言之。非妄矣。原夫夏之流輝也。炎炎赫赫。沙煎草焦。矮屋掀隘。如坐甑籠。人皆將裸袒而解慍焉。當是之時。執扇持扇。左颺右揮。要有其風之透衣。而少去鬱蒸之氣耳。而况消暑滌煩。戰葉鳴條。微微拂拂。自天上來者乎。唐殿可以聯句。陶窗足以高臥。是雖此熱之甚。而得風頻冷頻憩。則果非寒而何。若乃冬之猛威也。凜凜冽冽。雪深冰堅。熊席狐裘。如著鐵石。人皆將密沉而擁爐焉。當是之時。塞牖下帷。重衾溫食。惟懼其風之過隙。而多負晝光之喧耳。而况呼地號天。飛礫揚塵。黯黯剪剪。自雲邊發者乎。武卒

可以墮指。壯士足以悲吟。是雖此寒之甚。而得風愈嚴愈肅。則果非寒而何。嗚呼。風寒之戕人也。其害固有不可勝言者矣。善哉。張機猶似以輕重分風寒。故首條揭出中風傷寒。而其於取裁陰陽營衛三焦等。尤爲可惜焉。至晉王叔和。亦謂傷寒之病。從風寒得之。其後戴思恭徐汝元皆總謂之傷風寒。然可指風爲寒。而不可寒爲風矣。以予觀之。非時傷風呼爲傷寒。則與冬時名中寒者。醫家所謂正傷寒也相混而呼中風。亦與非證誤爲中風者相紊也。或謂熱病。素問寒疫。張機傷寒論橫病。孫思邈千金方汗病。陳無擇三因方霜露之疾。屬陰文苑此等命目。猶未穩焉。而况於傷寒上加正字。或類字。亦豈異於頭上安頭乎。吾門通以傷風稱之。實未敢必其當否矣。蓋嘗思之。風者。四時常有之物。而不可以傷風稱之。實未敢必其當否矣。蓋嘗思之。風者。四時常有之物。而不可以獨以春及肝木爲之分配焉。春夏秋冬之間。動生凶邪。疹氣。而使其流行。播虛者。則唯風勢也已。凡人感召之初。不必以疫呼之。由病致死。病氣死氣滿於一室。無隙可避。沿門闔境。互釀之氣。上覆蒼天。清淨之氣。下敗水土。物產之氣。人在其中。親上親下。長幼傳染相似。謂之天行時疫。或云天行時氣是傷風中之一證也。如素問所謂歲氣之說。及虞博固執少陽陽明爲因者。瑣屑支離。終無認真。此邦醫家。以其輕者名時疫。重者名傷寒。病家亦從此言。不可不改正焉。天疫之來。自古有之。故周禮方相氏。儺以逐疫。而孔夫子朝服。亦不得已也。夫人受疫。素無定體。必有表裏上下之差。其邪

之流脈。自似有大小者。大邪中強人。則重而易治。大邪中虛人。則急而難治。小邪中強人。則輕而易治。小邪中虛人。則緩而難治。若豆瘡者。雖一奇邪。亦當假風。况乎痢疾。疥癩。麻疹。水疱等病。皆屬外邪。而其實在風中矣。蓋疫名分類繁文無要。古今華人。滔滔皆是。約而言之。則不出于瘍疫腫疫之二也。又王叔和云。中而即病者。名曰傷寒。不即病者。其寒毒藏於肌膚。至春爲溫病。至夏爲暑病。朱肱謂之晚發傷寒非也全是紙上空談。決非實詣。其誤肇

於素問。而與王海藏謂新邪喚出舊邪者一般。若其寒毒延至秋冬。則變生何病。何證乎。予未能預定其病機矣。既有沽名網利者。曰某年某月。當患某病。某重而死。某輕而愈。湯藥一得。偶中飾言要譽。味者稱奇。妄誕欺人。此良以道自任者之所憂也。又八十一難。以溫暑嵌在乎傷寒有五之中。而沿習至今。回護分疏。俗諺所謂一盲引衆盲。吁。遂無不與之俱陷。溺者鮮矣。近世稱瘟病者。本就溫字。或省水旁。从广曰瘟。轉爲疫病之義。故有大頭瘟。蝦蟆瘟。瓜瓢瘟。疔瘡瘟。絞腸瘟。軟脚瘟等證。詳見于喻昌尚論篇。又陳言云。蠱瘟傷溫。其溫潮濕社溫山溫海溫家溫電溫天溫地溫等名。愈多愈亂。竟無要領。皆杜撰之謬言。而未切認其因也耳。雖其立名異狀。而要之本

唯邪風耳。所謂溫病。亦春月之傷風。而醫籍別立瘟疫一門。非也。若孫允賢合而論之。先得我心之同。然又中暑者。煩悶卒倒。及自汗口熱。神思倦怠等證。即中熱也。史云喝是也。仍爲中寒相對之名。而於風濕毫無與焉。

若夏暑冬寒犯之必中。不犯不中。譬猶火水犯之。必得焚溺。皆以非邪氣而爲本時之令也。張機所謂中暑。皆是夏月傷風濕之證。而渾與張潔古。李杲輩之見。奚擇哉。又富貴安逸之人。外苦炎燠。內啖生冷。多見怕熱腹。痛吐瀉霍亂等候。均是謂之中暑。然其因不一。尙有兼證。則非真中暑也。況有吳括蒼所謂冬天傷暑者乎。凡自溫至熱。自涼至寒。自是春夏秋冬之序。於其溫熱涼寒之外。天常有陽熱地常有陰寒。人皆居地而不居天。則雖夏月。亦當有寒濕之患。何獨於四季十八日始見中濕者耶。是以傷風中。或有帶山嵐瘴氣者。或有被雨露水濕者。或有野狐精物。亦乘虛以憑者。雖然病名概之舉風之一字者。則以其從外入內。莫有專於此者也。由是考之。邪氣所中。己亦不知暗襲潛侵。若有若無。而後隨見表裏諸證之類。今之風疫。比比而有然。則初起無瀟浙惡寒者。四時通稱傷寒。恐不允當。故吾門姑以擬名傷風。學者宜再思之。

## 六經辨解

一元氣之在全軀也。表裏上下。機旋輪轉。其保續之者。卽水穀是也。水穀入胃。元氣併力。腐熟之。熏蒸之。而其氣之淳精華滋者。無處不到。到於血分。則赤變以生養其血。到於液分。則白變以生養其液。皮肉筋骨。亦能一本。而陰陽之道。行於其間。此乃生生自然之天則也。原夫背部爲陽。腹部

爲陰。古今雷同之說。未嘗有後改者也。以予觀之。則其所取象。似相違矣。夫人南面而立。則東西南可見。而北獨不可見。取之一身。則左右前可見。而後獨不可見。是豈非腹部爲陽。背部爲陰之明驗乎。且人之一身。總而言之。則左右前後一氣貫之。而血液相與活潑運行。其所動者爲陽。故耳目口鼻。必開於前。胸腹肉薄。近於胃府。而蒸騰之氣輸也強矣。譬諸春之相生也。雖一草一木。抽萃甲。吐花莖。多自南以及北。是老子所謂萬物之抱陽也。其所靜者爲陰。故脊背肩胛。必峙於後。背腰肉厚。遠於胃府。而蒸騰之氣輸也弱矣。譬諸冬之相賊也。雖高山深林。隕霜雪。改柯葉。多自北以及南。是老子所謂萬物之負陰也。故語云。君子不以言舉人。不以人廢言。非但老子之言。雖出揚墨之口。若其言之善者。則猶可取焉耳。大凡背者。表氣易虛。則初當觸風寒也。而何爲陽之部位耶。腹者。表氣難虛。則初當逸風寒也。而何爲陰之部位耶。若夫一切山精水怪。陰分爲之。揚氛起餒。而至於其陽分。則盡莫不潛伏屏息矣。不可妄別陰陽營衛。以說風寒先入之事。而腹背手足表氣不充。則風寒乘虛襲入者。此其必然也。於是乎太陽少陽陽明太陰少陰厥陰。手足十二經等說。附之好運氣數學者。而旁塗捷歧。不可惑矣。何者。四象配四時。則可言。而配五藏。則不足。故言大氣。水卽太陰。而謂之太陽。寒水。火卽太陽。而謂之少陰。君火。木未厥陰。

金何陽明加之任督二脈奇經六脈等名。迂怪虛談。愈出愈亂。全非實際得力之論。而無益乎醫事者也。畢竟人身一經絡耳。其中大經小絡條理秩然。而上下內外左右支別。殆不異乎老絲瓜之纏紐如織者也。固無陰陽易位。府藏倒置之理。則不可每經有始終根結而止矣。故風寒一日受之。熱氣已成。吾身之一統。然則謂之傳足不傳手。傷足不傷手而可乎。抑又有則足保命之人。則其身當無足大經而患風寒乎。靈素作俑。惑世誣民。後來諸家局於見聞。而不過持循講習於此耳。惜哉。戴思恭趙繼宗等一二人。僅有所疑。而終莫爲之平反也。予亦以其所久憤呼難猝勇革。務爲風寒類證之暗號也。已有年矣。然張機猶似詭遇機會者焉。况後世承其口氣從事于此。而絕無六經傳變之可言。則其法不正其治多誤耳。故予今不敢爲牛後。姑設淺深開脫四證。豈好辨哉。予不得已也。蓋倡明此道。實乏其人。即吾黨分處諸侯之國。亦不免調高寡和。反爲俗人所嘲焉。若以好辨之嫌。而遂輟不言。則因循苟且。必不能自拔而日新也。彌以振起家言。君子其或不罪乎。

## 傷風大意

風寒之傷人也。背腹手足必無定規。而華佗獨立風寒漸入之說者。此爲稍近理。是故病證未見有單經挨次相傳者。而况於李東垣王海藏所謂

傳本巡越得度首尾等例乎。劉草窗則謂傳足不傳手。陶節菴則謂傷足不傷手。均是五十步笑百步之類。而殊不知人身本是一經絡也。又吳謙所論邪傳。及廣博引至人傳云。傳經專經即病邪病等名目。亦皆可謂難且悖理矣。夫人行住坐臥之間。若正氣邪氣卒然豆

接。直有正氣之所纔既。則邪氣乘之。排衝散漫。以見緩急輕重之候矣。蓋傷風者。須要明辨三證。精察療體焉。一曰經證。此乃邪氣初入之門。分而

言之。則有錢深二證也。其錢證。古謂之太陽病。又與他證太陽不同非也。此邪氣襲擊

表氣。而裏氣將憤激之時。必見惡寒無汗頭痛脊強等候。宜用峻發之劑。

即桂枝湯麻黃湯之類是也。其深證。古謂之少陽病。或半表半裏。非也。此

邪氣滲動表氣。而裏氣已鬱蒸之時。必見寒熱嘔吐耳聾脇痛等候。宜用

和解之劑。即青龍湯芩胡湯之類是也。二曰閉證。古謂之陽明病。或胃家

實。一曰脾約或曰入府非也。此本元氣有餘之證。而熱勢熾亂表氣。逆聚裏氣。則腸胃

中之燥結者。必見怕熱煩渴譫語發狂尿赤尿鞭等候。宜投湯藥。早以疏

泄。元氣之將閉者。即白虎湯承氣湯之類是也。譬如亢旱之燒空也。時亦

甘雨沛然一下。則渴水之民。解溫開顏。忽至嘉潤再起枯苗矣。三曰脫證。

古謂之太陰病。少陰病。厥陰病。一曰傳經陰證或曰直中陰證非也。此本元氣不足之證。

而熱勢減陷表氣。攻奪裏氣。則腸胃中之疲乏者。必見目昏面煤舌卷囊

縮厥冷自利等候。宜投湯藥。早以充張。元氣之將脫者。即理中湯四逆湯



之類是也。譬如勁兵之破壘也。時亦救將憊然一走。則罷散之卒。崛起潰圍。忽至凱旋。再得糧道矣。然脫證多是不治。而其閉證。間有可治者焉。意其人之爲體也。一箇殼子。包著府藏。若從殼子上論之。則頭面手足腹背以至耳目鼻口皮肉筋骨。皆是屬表。而從近殼子處論。則咽喉及膀胱腸中亦出表之路也。其直稱裏者。五藏精神所居。乃去殼子俱遠。而不可令外邪深入耳。故經證輕者。爲表之表。必有憎風噴嚏面色光浮聲重鼻塞時流清涕者。俗呼謂之冒風。又云感冒即傷風中之至淺者也。經證重者。兼裏之表。多見欬痰嘔吐飲食難進自利秘結小水赤澀等一二證。此不可妄謂邪氣入裏也。又閉證者。裏之表面。熱之猛勢。多是吐下通劑之可治者也。又脫證者。邪氣在內。深窺奧室。腸胃亦虛。難吐難下。絕無邪氣可驅之去路。則難治之證。自可知也。喻昌一人已論。此理頗近。予之所嘗憶矣。然則風寒最宜臨輕早治。若非但諱病失宜。反有賴藥侵風。以得再感者也。如夫近世之人。不問長幼男女。固有疝癰爲之加工何也。府藏之間。各有脂膜絡繹接遞。而元氣血液融活透徹者。此其人身內景之常資也。若脂膜中間。一生空氣。聚散來去。如雲如風。或宿上則爲噫。嵌下則爲屁。全非腹裏固有之物。潛消默化。不復存跡。有時怒張走痛無常。就其形樣。稱疝稱痞。及瘕法別名。而實一物也。又脂膜之外。瘀汁壅滯。日凝月積。成癰成

癰隨其隙地。形樣不一。城狐社鼠。不可妄攻。皆是腹內禍胎之著。且大者也。當時府藏無恙。反被元氣過化。畏縮遁竄。無復出頭。既而邪氣中經。腹氣多易震駭。疝癰乘勢左右上下。支撐壓盪。敵陣氣陷。是以經證。或有似閉證者。或有似脫證者。或脫證有似閉證者。或閉證有似脫證者。後人於此等處。漫不加察。治方一差。暗伏危機。邪氣縱使僥倖退舍。荏苒時月。遺熱損體。漸成壞證。夫壞證者。多據醫藥誤治。是王綸所謂傷藥之類也。和以壞病。別爲一證。用羊肉湯。誤矣。戴思恭謂壞傷寒。亦名義不備。或變痢。變腫。有死者。有生者。或日夜久放。偏氣。精血失所憑持。肉削骨立。惡寒晡熱。自汗盜汗。吐痰咯血。有釀成勞瘵者。豈可不慨嘆哉。故有疝癰蟲豸。瘀血微毒之人。其勢內外環攻夾擊。此非傷風本來之病。則表裏上下。俱見異狀。名謂之黨證。亦可。又有兼癰證。時證。及滯食宿酒者。朱震亨云。雜合邪。戴思恭云。夾食傷寒。皆此之類也。當由病家傍人。詳問有他所害來路也否乎。然後鍼灸藥石。權以裁之。則自無一定不變之弊也。若欲從張機求如式見證。雖歷數十人之多。而恐首尾內外不相合焉。殊不知望聞問切。及腹背看法。一槩施治。以托外邪。實博者之孤注耳。斯亦危矣。今之患傷風者。多係七分內傷。三分外感。是卽內勢已成之後。微邪扇動。早以啓行者也。故初病脈細數。或腹皮急陷。中央如弦。或腹皮虛鬆。臍下無力。或手顫神倦。畏寒喜暗。或面唇青白。閉目懶言。皆是耽酒好內。元氣虛

億之人。又在目語額瞬。旦夕名利之輩。而醫家呼爲挾虛傷寒。或勞力感寒者。亦此類也。於是乎食養凡穀菜外。雞卵鰾鱈海參乾鮑鱈魚等物。未乾。鹽梅不可。乘方尤忌生油泥。即時難消者。故古有食鹽。今委度人何不信耶。保城爲一良策。不專以外邪爲競主。喻諸墨汁。著染糊絹。雖使

傷寒速除墨痕。而紙薄絹地。揉摩擦破。遂爲無用之棄物矣。又傷風寒病多有咽膈生痰者。必見欬喘乾嘔等證。猶疝癰鬱室所致焉。其吐如墨如膿。如破絮。如桃膠。如蜆肉。然素問僅有欬涎嘔沫出青黃涕等語。張機傷寒論。亦稱涎沫。不用痰字。金匱要略。已出痰飲二字。全爲腸間畜水。而非近世所謂稀清爲飲。稠濁爲痰者也。晉時痰飲通用。不爲炎上之義。至宋漸指口中所吐之物耳。此古今之一疑城。蓋古少而今多耶。又孕婦傷風甚則爲熱。所動拒食嘔飲。終至併胎俱斃。必勿拘以重身。反害其母。有故無殞。何可懼乎。產後傷風。多有兼證。或惡露未盡。少腹煩痛。俗云兒枕痛或蒸乳發熱。或身見紫疹。或經筋拘攣如瘰狀者。不可輕視。以爲常候也。又在小兒。則風寒易感。易解。而晉以來。有謂變蒸者。非斯乳食蟲癖之所致。則傷風寒也。豈復有此先彼後。如一變生腎志。二變生膀胱。每變三十二日。及暗變等之理乎。後世謂八歲以下。無傷寒者。亦醫家妄言。不足深責焉。大凡風氣新解之後。不欲飲食。稀吐痰沫。羸瘦尊臥。他無所苦。研米粥時少喫。至於梗飯。嘔惡不納。或死或復舊者。極在蛔蟲積瘕之人。熊膽黑丸可

擇用之強用湯藥反助逆動不用而死雖用亦死須不治以待其自寧而可也又愈後向之傷處元氣猶未健行熱路逐旋因邪易入而有其縣夾單衣脫換不慎者則汗竅開泄非但再感或令邪風數次襲之而損虧元氣以隕軀命誠不可稍有疎虞矣否則口淡無味需物消閒梳沐酒色只管犯禁有小才智不能自克食復或云發嘔。素問云。病熱少愈。食復。又有女勞。非強機所謂陽易陰易之類。比比皆然故古人云病加於小愈豈虛語哉靈素以來論風寒者或以衛營三焦牽合焉或以日數藥品決裂焉且駕合病併病再經過經兩感傳屬等說而其甚者則落乎馬宗素運氣無稽之術矣嗚呼詭計左道莫此爲甚索治之人未有不因之而斃者也學者若能以意隔反類推則雜病等法亦思過半矣

### 錢證治例

凡經證淺者宜峻發不拘日數多少不憑時令寒暑惡寒惡風頭疼身痛腰脊俱強或發熱脈浮緊而無汗者頻進湯劑衣被厚覆早取津津微汗以嚴大過之戒一時間許周身相潤而目皆微黃者邪氣無不消散矣得汗之後氣爽脈靜必停後服當防再感素問所謂衰其大半而止是也若汗多者用撲粉方汗後壯熱尤爲凶候素問云。陰陽交之類也。其服汗劑人汗不出而風團自解者亦間有之若一時強汗之致使如淋如洗則胃氣反馳之於

表分。而津液隨漏。飲食隨減。筋惕肉瞤。臥起不安。且恐卒然亡氣。以見寒慄沉昏。又手冒心等證。此非速用參薑湯。或參附湯。則元氣外去。而不能內返也。蓋桂麻二湯。總驅外邪。其中有少不同者。如桂本爲解肌。不問有汗無汗。必治惡風。脈浮數者。而麻則爲惡寒。無汗。頭疼。項強。脈緊而喘者。設焉。桂麻服法。各啜熱粥。以助藥力可也。何止桂乎。陶華云。春分後忌桂。麻。而以張潔古九味羌活湯代之者。吁。亦過矣。其始出於韓廳輩。謂張機之法。宜於昔。而不宜於今等語也。凡怔忡短氣。舌乾咽痛。脈細數無力者。不可任意發汗。多是三分外感。七分內傷。宜與柴桂合劑。及順氣加減方。又表證初兼吐瀉者。多在其人平素易下。及滯食者。不可妄謂邪氣入裏也。又表證一覬。謂之紅汗。覬乃解者。不過少解其煩。未解其邪。若其邪有沉滯未盡者。則早須用汗藥。而免其再覬矣。又冒風輕證。宜生薑酒。不飲酒人。順氣劑外。一味辣茄湯。一味生薑湯。連啜數甌。汗流微體亦良。若邪入稍深。則噤止涕乾。伸欠不作。頭痛頓退。故有得是證者。則爲邪未深入。若鳩尾之下。左右有動氣者。邪氣未解。宜施治方。病魔雖已消散。汗孔尙然疎豁。須在避風之處。靜養三五日。俟腠理緻密。特忌上廁便利。室中宜用裘器。惟以衣衾遮護肩項。及膝爲要。病者汗後。性急事冗。起坐衣服不顧調節。且侍養無人。不言其非。旋即衝風。能致復感。靈樞云。避

風如避矢石者。此之謂也。凡瘥後十數日。或一月許。終不惺惺者。皆由疝癰瘀血。相礙相激。而裏氣未得遽寧也。又口唇發小瘡。或身見風焙癰者。餘熱解時。間亦有之。又病人雖大汗透寢具。亦有一時而止者。則反易解散。不可以纖纖微汗爲度。如夫近世所謂摘腳接汗。火攻蒸法。中寒之證。臨機應焉。

### 桂枝湯

桂枝 二大

芍藥 同上

生薑 七分

右三品。以水二合。煎取一合。去滓頓服。中病即止。凡處劑之時。邪氣易解者。小潤其間。難解者。小促其間。令藥勢相及耳。○予嘗有言此湯。今去甘草二種者。本以桂皮中帶甘味也。但偏嗜甘味者。加甘草亦無妨。不問男女老幼。多有疝癰蛔蟲。強用味甘者。則恐胃中泥滯。或間致嘔吐不食之患焉。且如酒客病。胸中滿逆。則甘物不可用也。

### 麻黃湯

麻黃 二大

桂枝 同上

杏仁 七箇

右三品。以水二合。煎取一合。去甘草。

加桂法

生薑酒 今時之人。感冒必以薑酒取汗。其法生薑擦爛酒浸溫服。是卽戴思恭爲薑法者。孫對微呼謂之神仙藥也。又此邦有呼爲味增酒者。此比之生薑酒。味和氣香。尤爲有驗。其法味增酒二品。以酒盆能播丁。放火燒鍋炒。上二品入清酒三五盞。以調和之者也。

一方 主治老幼男  
女傷風輕證

茯苓

半夏

芍藥

桂枝

厚朴

橘皮

甘草

生薑

右八品。水二合。煎取一合。

薑香葛根升麻隨證出入加減。熱多加黃芩。煩渴或欬去桂枝。加果。麻。咽痛去桂枝。加桔梗。痰喘加紫蘇子。蘿蔔子。杏仁。

枳實。皂莢。竹瀝類。一  
二品。小兒只小劑耳。

深證治例

凡經證深者。宜和解。若自淺入深。則裏已近災。未可冥然稱無病也。今之傷風。多見此證。邪氣正氣。排籠相持。各無進退勝負。苟非和解。則難求成矣。故後世趙繼宗論傷寒。不必傳經者。此為稍近理焉。惜乎。取用和解。禁吐汗下三法。其遺禍至今。猶未息也。元氣有餘者。必變閉證。元氣不足者。必變脫證。畢竟初起峻發不徹之為耳。或寒熱痰欬耳聾脇痛。或口苦舌乾不欲飲食。或渴不渴。嘔不嘔。或胸中煩。心下悸。或舌苔白黃。語聲嘶敗。或每日如瘧狀。脈自弦者。即是和解之證。宜用小柴胡湯。其間隨證以消息之。不可妄投大茈胡湯。將閉之時。此湯主之。若寒熱不解。喘欬乾嘔。或心下有水氣者。只宜和之。以小青龍湯類。若惡寒無汗。加煩躁者。即釀成閉證之時。須用大青龍湯。汗中兼折。逼內熱勢矣。蓋舍汗下吐藥之外。均屬和解之劑。乃令襲入之邪。潛消嘿奪。今時動輒有黨證虛證者。必顧中

氣以托外邪爲佳。如拒藥惡食者。宜參薑湯。送下黑丸。凡淺深二證。解後  
不了了者。灸爲善。着膏肓。痞根及背九俞以下至十四俞。隨宜取以灼之。  
又疝瘕氣逆。手足易冷。腹中急痛。惡味苦者。先灸足三里等。兼用小建中  
湯。若有嘔則非建中所宜也。

小建中湯

桂枝 芍藥 甘草 生薑 大棗

大建中湯

桂枝 芍藥 甘草 生薑 大棗 半夏

小青龍湯

麻黃 芍藥 桂枝 乾薑 五味子 甘草

大青龍湯

麻黃 芍藥 桂枝 乾薑 五味子 甘草

小建中湯

桂枝 芍藥 甘草 生薑 大棗

一方

大麥二大匕

半夏

茯苓各一大匕

芍藥

橘皮各中匕

生薑七分

右六品。以水二合。煎取一合。○凡傷風寒。半解之後。疝瘕伺隙以進其身。  
故體疲脈小。他無所苦。惡食吐痰。尿多爲悶。後世用補劑者。宜以此方治  
之。惟開胃散結。則餘證自退耳。有熱加芩。有瀉去芍。若拒藥汁者。亦多無  
不消受焉。

閉證治例

探證治例 閉證治例



疏竅劑中。白虎主煩渴。承氣主燥屎。此其大要也。古人皆因脈證多辨裏熱裏結。而不加予之。以手按腹直決疏竅矣。何者。先以手指重按病人腹皮。其裏有熱者。如火烘炙透于指中。而表熱者。舉身有熱。按處暫散也。若夫裏結。必有裏熱。硬糞多少。阻住去路。臍下底如磐餅。或如杏核雞卵狀者是也。此證白虎承氣可用之。無畏焉。若熱勢漫無可禦。必有躁擾不寧。則傷爛腸之裏面皮理。而園血自瀉下也。雖使許水亦新汲井中者。頻與之無妨。且欲飲一碗。只與半碗。常以不足爲善。不宜一飲而極意也。遂令病人恣飲過度。則爲欬爲喘爲嘔爲瀉爲腫爲悸爲水畜。疼爲水結胸。故後世所謂以水噴面繞身。或置病人於水中等法。皆是醫中之操霸術者歟。又大渴譫語。罵詈。善惡不避親疎者。宜以辰砂加入水中飲之。西瓜梨漿糖水亦良。其引飲者。嫌冷喜熱。多屬虛證。不可妄投白虎湯類也。或目赤眇凝。舌苔焦黑。甚則芒刺或口疳氣臭。鼻如煙煤。或紫斑赤疹。爪甲色紅。或上氣喘促煩渴狂言。或棄衣揭被。揚手擲足。或踰牆上屋。如見鬼狀。或腋下掌心。澀澀汗出。或周身無汗。刺頸而還。或小水赤澀如紅莧汁。或脈細數無力者。死。或遲緩。或沉而有力。有其上兼證者。早議疏竅攻擊之法。則十全之功。可自得矣。苟或當下而不下。則熱毒隨劇。津液隨枯。豈可一以下藥宜遲爲說乎。然屢屢欲後。而每時傷氣者。則勿用承氣及大茈胡

湯類。先用紅夷所來導器。急射溫蜜。則腸中自得潤滑。而燥屎因是易下。諸證一時俱解。張機蜜煎導法。或近來香油導法。亦可。此邦今有做紅夷法。以鑰銅造之者。若無此器。則未用煙管。留其吸嘴。刺入患人肛門三四分。乃去大頭處。稀蜜微溫。加皂莢末。口含用力直吹送之。則津回腸潤。久積之物。必盡出矣。極良法也。若堅滿會無上廁之意。則於腸之下際為燥屎未逼者。是以蜜兌無益。下藥為捷。服後轉矢氣者。仍以炒鹽燒磚并溫石能緩之亦同納夾絹袋。於其病人腹上款款熨之。則藥氣通透。而屎自易便。故下後神清氣爽。身涼思食。皆愈之兆。如及腹滿身熱。譫語不食。睡臥不寧。并發紫黑斑點。此當汗不汗。及已汗而熱不散。當下不下。及早下而熱乘虛之患也。而粗工動輒不知病人稍涉虛證。認其數日不更衣者。妄投駁劑。以致初硬後溏之證。貽害非細。甚可畏也。一種閉中稀糞。水自下者。此結糞外之傍流。而非胃虛腸虛之瀉。即腸胃外之宿水。偏滲於腸胃中。而融化燥糞之外面者也。故下物色焦。放屁酸臭耳。宜投小承氣加減方。脈證既決。又何難焉。凡如此者。多由誤治。且諸所欲下者。必曰先與小承氣。則恐有大下傷人也。又屎尿如常。少腹硬痛。其人喜忘者。有畜血。桃仁承氣湯類。須量性稟施之。又宿食凝痰。胸中作苦惱者。併宜吐之。熊膽汁。瓜蒂散。散鹽湯。參蘆湯。與之。以指或雞翎探喉中。即吐出也。又伏飲之證。與五苓散。

其人至於壞證煩渴。漸爲水脹。須以吾門鯉魚黃汁治之。若惡其臭味。且不能多飲者。竟非此物所能治也。元氣強者。宜十棗湯。或大黃商陸芩苈通草牽牛子赤小豆等藥。隨證擇用。亦得有效。又白睛黃者。熱勢瀰漫。將發身黃。於五苓散方內。加茵陳蒿。或丹青樹葉。則黃從尿去下也。若皮膚薄細。茶褐色者。多難治矣。大凡腹中時滿時減。或腹脹按之易軟。或臍左右有動氣。或小水清白數少。或連日不食。臍腹坦然無壅滯不通之狀者。皆不可下也。只戒其誅伐無過之害耳。

白虎湯

石膏 知母 粳米 甘草

小承氣湯

大黃 厚朴 枳實

大承氣湯

大黃 厚朴 枳實 芒硝

桃仁承氣湯

大黃 芒硝 桂枝 甘草 桃仁

五苓散

茯苓 猪苓 桂枝 白朮 甘草

十棗湯

芫花 甘遂 大戟

脫證治例

充張劑中。四逆主厥冷。理中主自利。此其大要也。詳言兼證。或畏寒喜暗。只懶見人。或語聲輕微。顏色青白。或頭重手顫。神倦氣怯。或眼陷鼻笑。舌卷囊縮。凡兼如此數項。生機尚存一線。故舍灸及參附等。更無他法。當藉

者但得手足漸溫自利隨止。脈微出者乃可生也。或反目上視。瞳目直視。或面煤唇紫。爪甲青黑。或尿尿失禁。粒飲不入。或拈衣摸床。兩手撮空。或閉目蹇足。啐啐不省。或口唇顫搖。頻嘔頻噦。或氣喘痰壅。脈細欲絕。此卽脫之死證。或精神昏瞶。頭面喜扇。或無熱無渴。舌結黑苔。或膚冷。脈道獨見熱勢。或短氣。淚出。面腹虛滿。或在婦人。則產後日近。乳縮股慄者。皆是危篤之證。不可治也。凡瀉不但粥飲。直出藥汁。纔吞入咽。卽卽從腸奔下如箭者。今用理中。原不爲過。其水瀉之益劇者。則須投五苓散。及利水藥。反利膀胱不化之氣。譬猶通支河水道。以禦急奔之勢。若小水淋瀝兩足浮腫。按之沒指。甚可畏焉。又戴思恭所謂利腸者。挾熱自利。糞色赤黃。及下腸間津汁垢膩。宜用順劑。尤禁澀藥。然至吳綬所謂漏底。則元氣暴脫。蚤以固腸爲要。否則轉氣趨下。少腹自利。漫無止期。卽桃花湯。及赤石脂禹餘糧湯類可也。又蛔厥者。時煩時止。未爲死候。烏梅黑丸。諸殺蟲圓。宜以參薑湯送下之。若至胃中無穀氣。則謂藏結。亦同而不可治也。又除中者。元氣奔散。將假穀氣急哺卒噉。自取暫快耳。若脈細數。眼中無精彩。而暗濁慘淡者。則一團元氣。留連未斷。爲之少延殘喘。必當屬續以待斂矣。

四逆湯 乾薑 甘草 附子

理中湯 人參 乾薑 甘草 白朮

桃花湯

赤石脂 乾薑 粳米

赤石脂禹餘糧湯

赤石脂 禹餘糧

脈論

脈者。四診中之末。而其言不瑣贅也。漢唐以來。方書取其一。舍其三。而一又未明。訛承掩藏。不肯勇革。是以本邦醫人。亦皆移於浮辭。可深嘆哉。凡四診之於病機也。彼此參伍。不可欠一。吾門於四診上。非惟加之按腹候背手足看法。且以鼻嗅知病人臭惡之氣。此可謂詳補古今未言及之缺典者矣。於是乎邪之淺深久近。證之輕重緩急。斷然無復可疑者也。夫脈元是血氣活潑充權之勢。內非各開三口沸騰而出。則一藏一府。一陰一陽之患。更無顯於兩手掌後之理。而況有運氣支于分配。假託之可言者乎。何也。有一病人。於茲暗坐室中。穴壁出手。嘿然不謂形色性情。試使歷幾醫人。切其脈道。而預以辨識何病何證者。則予未之或聞也。意其持脈。卽驗輕重生死之一事。而絕無某病見某脈之定規也。略可知矣。先以中指探掌後高骨上爲關。得其關位。然後齊下鹽禁二指。若人臂長。則疎排其指。臂短則密排其指。輕手得之曰舉。重手得之曰按。不重不輕。委曲求之曰尋。所謂三指停穩者。自然之行也。二指不足。四指有餘。仍執其中焉耳。古不稱關。總寓尺寸。故素問似以中附爲關位。關之前。去魚際爲一寸。

而鹽指之所下。因名曰寸。關之後去尺澤爲一尺。而禁指之所下。因名曰尺。原其關名肇於八十一難。此以三指揣按之次。猶兩州畫首之設一門也。又秦越人雖無明文。而不主喉傍附上。獨取兩手掌後者。其見卓矣。蓋病脈之來。多不單至。然全屬大小浮沉遲數大脈。而不大不小不浮不沉不遲不數。調勻和緩。意思欣欣。難以名狀者。謂之平脈。故緊絃細伏促結等脈。今之病者。雖多有之。亦無不自大脈而推焉。其他華人妄立脈名。圖形韻語。以便記誦。而鹵莽滅裂。實不能自知者也。就其分呼。愈添蛇足。皆使後人以啓好異之心矣。方書論脈。非但七表八裏九道之謬名。而如素問之鼓搏喘橫。張機之傑卑榮章。綱損縱橫逆順。及奇經太素天和真藏。關格妊娠。五運六絕。七獨等脈。皆是無用鉅釘。不堪其煩也。畢竟脈者。惟察數與不數耳。脈數俗呼謂之脈進。卽病進也。殆可以一言蔽矣。不問男女老幼。不別外感內傷。若指下脈數。或兼見沉細。則輕者必重。重者必危。危者必死。甚可畏焉。又有脈傍行者。謂之反關。或有一手反關者。或有兩手反關者。或有反關得病。則順行復原位者。至於其六脈之見。則一也。此得之於有生之初。而不可必爲病脈矣。大槩有證脈相符者。有脈證相左者。或元氣頓虛之證。其初脈病也多。或元氣漸虛之證。其初脈病也少。故後世舍三取一之人。如夫脈之不始病者。飄然自外。而遂致篤證矣。嗚呼。

學者朝研夕考，翻悟前迷，則可免乎連代沿習之歧蹊也。